

Noord-Boland – Hollandsche

Molen

Januarie 2016


Hierdie bly darem maar een van ons mooiste kampterreine in die omgewing. Teen laatmiddag was almal se kampe opgeslaan en is gereed gemaak om vuur op te steek en lekker rustig saam te kuier die aand. Die wind het niemand gekeer om te braai nie. Daar was nog baie brande in die omgewing toe ons Vrydag uitgegaan het na die kampterrein.



Ons was 12 woonwaens die naweek – en 2 lede het gaste gehad. Pieter & Carina Grove & hulle 2 kinders en Marius se seun Ruan & sy vriendin Nicole het ook saamgekamp.

Die aand het ons 'n pragtige sonsondergang beleef oor die berge agter ons kamp.


Onder sit Fred en Mike by die vuur en ontspan.



Saterdagoggend het ons lekker ontbyt geeet en toe bietjie die omgewing begin verken. Daar is so baie interessante plekke en wynplase en stalletjies in die omgewing te sien – dat mens dit net moet gaan verken! 'n Groepie van ons is toe na Leopards Leap toe, 'n wynplaas net voor Franschoek. Daar is die oulikste winkeltjie met mooi goedjies, en 'n wynproe van hulle besonderse wyne – en die heerlikste etes word daar bedien! Uit die boonste rakke!



Kan dit vir enigiemand aanbeveel om te gaan besoek! Hier is 'n paar fotos van die Pragtige plek!



Hier onder sit 'n groepie wat gaan proe het – Mike, Martin, Rhona, Fred, Erna, Corrie, Betsie, Johan, Dirk en Marleen. Daarna het ons baie lekker geeet!





Hier kon jy ook lekker
ontspan en 'n koppie
tee drink.



Nr. 2 vervolg

Noord-Boland – Hollandsche Molen - 2



Kyk al die heerlike
kosse – te kies en te
keur – kies en
weeg.

daar was ook die heerlikste nageregte –
sien regs – jy weet nie watter een om te
kies nie! Maar glo my ... ons het hulle
beproef! Heerlik!





Hierdie is net 'n paar fotos van die pragtige kampterrein. Alles is baie mooi versorg en die kleedkamers is ook baie mooi. Ons het baie lekker gekamp.

Die middag
het ons
lekker
afgekoel in
die swem-
baddens
wat altyd
lekker
lafenis
verskaf.



Vir die eerste keer dat ons hier kamp, het ons 2 uile ook as gaste gehad. Elke aand het hulle hul verskyning gemaak en kos gesoek so tussen die kampeerders deur. Dit was nogal vir ons 'n lekker verrassing en ons het lekker fotos geneem aangesien hulle redelik mak is / gewoond aan mense. Sommer net 'n paar verskillende fotos van die 2.



Nr. 3 vervolg

Noord-Boland – Hollandsche Molen - 3



Saterdagoggend was daar lekker ontbyt gemaak.

Rustig saamgekuier oral -

En toe lekker geeet.





Daar word al vroeg vuurgemaak vir die vleisbraai van die aand ... party eet mos vroeg ... en ander eet laat ...



Dames ontspan terwyl manne braai Slaaie is klaar gereed ... dus is ons werk afgehandel.



Nr 4 vervolg

Noord-Boland – Hollandsche Molen - 4



Sondag-oggend het Pieter vir ons 'n DVD van 'n prediker gewys wat baie leersaam was. Ons het almal onder die lekker groot boom gesit – en gelukkig het die "ligte motreeën" nie ons erediens onderbreek nie.

Na ons erediens het ons ons gebruiklike vergadering gehou en daarna het almal lekker saam gekuier en saam teegedrink. Hierdie saamkom tyd in die ooggend geniet almal baie.

Mike en Andre staan lekker
en gesels en teedrink.





Baie dankie aan ons Kampleiers van die naweek – Winnie en Pieter onder – vir 'n lekker naweek!



Kyk wie het haar verlore plaatjie weer gekry! Baie bly daaroor né Alma!



Die volgende plaatjies is uitgedeel:


25 ALGEMEEN aan Greg & Marietjie Albrecht – baie geluk aan julle!

Links:



30 STREEK aan Pieter & Winnie Grove – baie geluk julle!

Regs:



veilig sleep –

tot volgende keer

Fotoblad saamgestel deur:

Corrie Schmiedeskamp